

彊邨叢書



夢窗詞集補目錄

柳梢青

生查子

一翦梅

點絳脣

西江月

桃源憶故人

木蘭花慢

夜行船

朝中措

風入松

西江月

朝中措

聲聲慢

點絳脣

玉樓春

柳梢青

浣谿沙

一翦梅

燕歸梁

烏夜啼

浪淘沙

蹋莎行

浪淘沙

思佳客

滿江紅

極相思

思佳客

醉落魄

朝中措

杏花天

滿江紅

朝中措

夢行雲

天香

謁金門

點絳脣

夜遊宮

瑤華

思佳客

六醜

青玉案

采桑子

水龍吟

望江南

采桑子

清平樂

燕歸梁

西江月

滿江紅

夜行船

好事近

鷓鴣天

虞美人影

花上月令

卜筭子

鳳棲梧

霜天曉角

烏夜啼

夜行船

鳳棲梧

生查子

霜天曉角

西江月

戀繡衾

杏花天

醉桃源

唐多令

好事近

憶舊遊

宴清都

金縷歌

醉落魄

朝中措

青玉案

好事近

杏花天

浪淘沙

思佳客

采桑子慢

古香慢

蹋莎行

夢窗詞集補

四明 吳文英 君特

柳梢青

與龜翁登研意觀雪懷癸卯歲臘朝斷橋竝馬之遊
斷夢遊輪孤山路杳越樹陰新流水凝酥征衫沾淚都
是離痕 玉屏風冷愁人醉爛漫梅花翠雲傷夜船回
惜春門掩一鏡香塵

生查子

稽山對雪有感

暮雲千萬重寒夢家鄉遠愁見越谿娘鏡裏梅花面
醉情啼枕冰往事分釵燕三月灞陵橋心翦東風亂

一翦梅

贈友人

遠目傷心樓上山愁裏長眉別後峨眉鬢暮雲低壓小闌
干教問孤鴻因甚先還瘦倚谿橋梅夜寒雪欲消時
淚不禁彈翦成釵勝待歸看春在西窗燈火更闌

峨眉

毛本峨作蛾
从歷代詩餘

點絳脣

越山見梅

春未來時酒攜不到千巖路瘦還如許晚色天寒處
無限新愁難對風前語行人去暗消春素橫笛空山暮
西江月

賦瑤圃青梅枝上晚花

枝嫋一痕雪在葉藏幾豆春濃玉奴最晚嫁東風來結
梨花幽夢香力添熏羅被瘦肌猶怯冰綃綠陰青子
老谿橋羞見東鄰嬌小

桃源憶故人

越山青斷西陵浦一片密陰疏雨潮帶舊愁生暮曾折
垂楊處桃根桃葉當時渡嗚咽風前柔艣燕子不留
春住空寄離檣語

木蘭花慢

壽秋壑

記瓊林宴起輭紅路幾西風想漢影千年荆江萬頃槎

信長通金狻錦韉賜馬又霜橫漢節棗仍紅細柳春陰
喜色四郊秋事年豐從容歲晚玉關長不閉靜邊鴻
訪武昌舊壘山川相繆日費詩筩蘭宮繫書翠羽帶天
香飛下玉芙蓉明月瑤笙奏徹倚樓黃鶴聲中

槎信

毛本槎作杏从王校棗仍紅王校棗作棗按秋聲生日在八月其進荆湖制置大使時

爲淳祐九年是詞殆作於是年八月正用邵風語義若以棗爲棗專指漢節則僅賀進秩矣劉克莊詞榆塞外恰棗紅時節想羽書忙謂防秋期候亦一義也

夜行船

贈趙梅壑

碧甃清漪方鏡小綺疏淨半塵不到古鬲香深宮壺花
換留取四時春好樓上眉山雲窈窕香衾夢鎮疏清

曉竝帶蓮開合歡屏煥玉漏又催朝早

窈窕

毛本作窈窕从杜本

朝中措

贈趙梅壑

吳山相對越山青
湘水一春平
粉字情深題葉紅
波香染浮萍
朝雲暮雨玉壺塵
世金屋瑤京晚
雨西陵潮汎沙鷗不似身輕

風入松

壽梅壑

一帆江上暮潮平
騎鶴過瑤京
湘波山色青天外
紅香蕩玉佩東
丁西園仍圓夜
月南風微弄秋聲
阿咸才

俊玉壺冰玉母最憐生萬年枝上千年葉垂楊鬢春共
青青連喚碧筩傳酒雲回一曲雙成

西江月

登蓬萊閣看桂

清夢重遊天上古香吹下雲頭簫聲三十六宮愁高處
花驚風驟客路羈情不斷闌干晚色先收千山濃綠
未成秋誰見月中人瘦

朝中措

題陸桂山詩集

殷雲彫葉晚晴初離落認奚奴纔近西窗鐙火旋收殘
夜琴書秋深露重天空海闊玉界香浮木落秦山清

瘦西風幾許工夫

聲聲慢

和沈時齋八日登高韻

憑高入夢搖落關情寒香吹盡空巖墜葉消紅欲題秋
訊難緘重陽正隔殘照趁西風不響雲尖乘半暝看殘
山灌翠賸水開匳暗省長安年少幾傳杯弔甫把菊
招潛身老江湖心隨飛雁天南烏紗倩誰重整映風林
鉤玉纖纖漏聲起亂星河入影畫檐

點絳脣

和吳見山韻

金井空陰枕痕歷盡秋聲鬧夢長難曉月樹愁鴉悄

夢初
梅壓檐梢寒蝶尋香到窗黏了翠池春小波冷鴛鴦覺
又

有懷蘇州

明月茫茫夜來應照南橋路夢遊熟處一枕啼秋雨
可惜人生不向吳城住心期誤雁將秋去天遠青山暮
玉樓春

和吳見山韻

闌干獨倚天涯客心影暗彫風葉寂千山秋入雨中青
一雁暮隨雲去急霜花強弄春顏色相弔年光澆大
白海煙沈處倒殘霞一杼鮫綃和淚織

柳梢青

題錢得閒四時圖畫

翠嶂圍屏留連迅景花外油亭澹色煙昏濃光清曉一
幅閒情 輞川落日漁簪寫不盡人閒四并亭上秋聲
鶯籠春語難入丹青

煙昏

按二字疑倒當與下清曉爲對

鶯籠

毛本籠作能從王校

浣谿沙

陳少逸席上用聯句韻有贈

秦黛橫愁送暮雲越波秋淺暗啼昏空庭春草綠如裙
綵扇不歌原上酒青門頻返月中魂花開空憶倚闌

又人

夢
一 曲鸞簫別彩雲燕釵塵
湖上醉迷西子夢江頭春斷倩離魂
旋緘紅淚寄行人

人
一 翦梅

賦處靜以梅花枝見贈

老色頻生玉鏡塵雪澹春姿越看精神
谿橋人去幾黃昏流水泠泠都是啼痕
煙雨輕寒暮掩門萼綠鐙前
酒帶香溫風情誰道不因春春到一分
花瘦一分

燕歸梁

對雪醒坐上雲麓先生

一片遊塵拂鏡灣素影護梅殘
行人無語看春山背東

風雨蒼顏 夢飛不到梨花外
孤館閉五更寒誰憐消
渴老文園聽谿聲瀉冰泉

五更寒

毛本五字脫
从花草粹編

烏夜啼

題趙三畏舍館海棠

醉痕深暈潮紅睡初濃
寒食來時池館舊東風
銀燭換月西轉夢魂中
明日春和人去繡屏空
浪淘沙

有得越中故人贈楊梅者爲賦贈

綠樹越谿灣過雨雲殷西陵人去暮潮還
鉛淚結成紅粟顆封寄長安
別味帶生酸愁憶眉山小樓鐙外棟

花寒衫袖醉痕花睡在猶染微丹

棟花

毛本棟作
練从杜校

蹋莎行

潤玉籠綃檀櫻倚扇繡圈猶帶脂香淺榴心空疊舞裙
紅艾枝應壓愁鬟亂午夢千山窗陰一箭香瘢新褪
紅絲腕隔江人在雨聲中晚風蕪葉生秋怨
浪淘沙

九日從吳見山覓酒

山遠翠眉長高處淒涼菊花清瘦杜秋娘淨洗綠杯牽
露井聊薦幽香烏帽壓吳霜風力偏狂一年佳節過
西窗秋色雁聲愁幾許都在斜陽